

縣志卷十二

名宦志

傳曰奉法循理亦可以為治□哉□之夫緣迹而議其間
陽浮慕以竒眩者豈少槩見而門□□□率以聲旋後世
馬則漸肇深淺之勢異也何論□□奉官矣後有作者若
鄱陽諸君子殆前茅乎哉

循良列傳

明

趙季光以洪武甲寅知縣事蘄舍□□之餘兵戈始寧先

蘄水縣志

卷十二 循良

一

是元執蘄闕剪邑屋惟是諸務□公至鎮以撫柔增杼
重斲俗大創焉舊志稱倜儻有□□

胡奎以正統己未知縣事歷福建懷安邑教着文學聲用
廷臣薦來九九年政尚和平而猶加意擴學基創會所
以文課諸生而命曰蘄陽會用是□多興起者蘄有回
風磯最險稍達而上一港水至則居人魚鱉蓋港通坼
湖達大江故易為患害胡君曰磯□險乃在江中舟楫
或無恙若斯港如吾民何乃謀以竹籠箐石塞其上俾
湖水不江運土實港俾江水不湖二水分爰命人壘而

亢之工計以萬遂名曰萬工堤仍立廟磯土妥江神如是負者居者如垣途焉僉憲屈番陽記曰公為政凡便民者務飭害民者務祛此足以觀公政矣其先世曾祖振鄉與妻趙氏嘗以忠節着於昔明祖叔儀又以才行為慶元令已而自罷有詩若干卷傳於世人謂公不盜虛聲云

陳興以成化間知縣事公性端方下車數月剔蠹釐奸無不犁然就理四境為之改觀至其理獄抑桀扶羸率得其情去之日蘄思為立碑碑畧曰逾歲弛者舉復張五蘄水縣志 卷十二 循良 二 鄉賑粟積乃倉民思盛德何能忘

潘珏字玉汝以成化甲辰進士丙午知縣事公性澹泊故不携家累單騎來蘄其廨宇蕭然聊蔽風兩人有勸公新之者公曰吾興一事即民多一事且休惟是割己俸陳畚揭拓學屋築齋廡已而於北郭門外置倉二十四會歲秋輒儲粟石千扁曰濟氏又增水次倉意以備不秋共城南有渡當四分五□之衝冬誅木架橋漲則舟舟不勝則載者溺乃公捐□用巨木鐵維維之益夫四人至今稱便李嘉魚記□稱公養民也能取民也不能

此足以覩公云自着有甘棠集三觀稿

黃鳳由舉人以弘治間知縣事性仁愛愷悌間收邑入口徐徐不惜冒法罰初來蘄橐稱羨久之饘粥為具嘗語人我奈何頭搶地乞靈貴人間為好言不信也惟一意拊循竟以調去

汪深由舉人以弘治甲子知縣事性慈惠視民如子先是公至倉無完堵粟無儲石公乃口夜運心或因隣倉富民勉其勸借省令助脩或因盜拆官倉有其本罪責償所費不旬月而六倉鼎然由是因罪贖刑又資之囊中蘄水縣志

卷十二 循良

三

俸不兩歲而粟儲有二萬許旱則出粟民鮮溝壑死者實多公之功

曹逵太倉人進士以隨州判來署蘄篆甚廉邑豪傑皆人人惴恐然□文深也天書私刻貪酷於兩楹會上南巡命下道蘄公治乙甲甚具毫亡苛蘄蘄德之去之日蘄人俱徃送壺漿犒從而還

蕭祥庚由舉人以嘉靖間知縣事鎮靜儉約里甲節省催科有法至今為畫一規識拔邑士造就□衆三年奏績考異等大計後即致政歸當道移檄趣其赴任終不至

黃□觀以宣德中為丞時學宮兩圯丞損金興舉其盛士人多焉先是嘗大書官箴於座前且以誓言自儆云□李蔚字仲文以正統年為丞任行端檢邑凜凜也邑令胡奎善之常曰仲文當不愧吾治其經畫創建多謀於丞張玘成化間由辟薦為丞有殊才聽民一言半辭惟允坐不設裋衽吟咏自喜勸士教民多篇什焉

王相以弘治間為丞清慎耿介難以私見長吏有遺政必為白之不少假令憚推轂之然亡樂也意以恬退行

其志

侯爵由思貢成化間為簿多惠政尋擢鄖西令邑人遮留

蘄水縣志

卷十二

循良

四

不得如鄖邑人嘗見思

王賓字用甫以弘治間為簿善催科亡用刑率好言結泯泯喜期以日月靡不供也人謂惠政

冉鉉字實夫弘治間任蘄博邃名理諸生中家壁立者不責之金然猶捐金有親老為加存問月蓋幾試諸生云梅乾嘉靖間任蘄博性謹厚教士率先躬行逸教者必面數之故士多飭躬尋丁內艱去公論惜焉

鍾萬嘉靖間任蘄博其來教也融融下善齊肅率以純質樸茂先士使䟽其穢而鎮其浮士習用震舉止士人多

□之謂為鍾邑博家法

□士選江都人萬曆甲戌進士以己卯知縣事時萬曆九年下方田令公與邑士夫里老等制弓格計便宜度肥瘠秋秒促民收斂始興厥事即以制定弓格令民戶自為丈諸外境持弓伺民募者悉竄出境積筭吏卒閉弗使出聽民自丈民間父子兄弟夫婦隣佑互相興工丈畢則又對相語曰某寬某繁某可無疑於官府之抽丈而某尚致恐於左右之連坐開丈於九月朔而報成於十年正月望無隱無欺民甚便之公為建蘓民亭自為

蘓水縣志

卷十二

循良

五

記以紀其事更加意風化於蘓之先賢申舉孝弟忠信禮義廉耻行各以一人當之如以薛京兆均為廉以王誥封承芳為信之類申舉刊刻家喻戶曉至如蘓之舊志為公所修補蘓之茶泉墨沼蓮花池為公桃濬去之日邑人建祠於治南城內以祀之

孫公諱善繼號却孚山東萊陽人萬曆己丑進士即以是年冬知縣事甫下車即值十七年之荒公與庠生楊永貫計出積谷六千石以救民饑四門各令省祭官一員煮粥以施城內窮民令約地書名以進貧者人給穀二

斗不足邑有素封黎朝臣者公登堂四拜為民請輸黎
為捐金千四百兩復走洞庭湖南買穀城內鄉村賴其
存活甚衆至庚寅而邑遂大收斗米三十錢矣微公救
助焉有此日公性善創制如積穀倉即置於迎賓館之
後迎賓館即置於頭門之內倉榜濟民致賢四字館榜
幸遇高賢多子羽慚無文治學言游一聯諸如儀門衙
署概從更新開廓規模至今賴之任蘄七載歲丙申以
丁艱去邑為立祠立碑以誌不朽後行取兵科給事中
杜長春號貞陽四川□江縣人萬曆庚戌進士以辛亥春
蘄水縣志 卷十二 循良 六

知縣事政尚操切發奸瘴惡起敝維風不畏強禦清覈
錢糧徵輸無隱扁其堂曰致良知自期亦大矣月課生
童刻意賞拔竒俊如楊楚龍以諸生受知即決以壬子
售朱朝熙以童生受知即決以乙卯售卒如其言以丁
艱去父老至今想風采焉

游公諱王廷號來泰江西撫州府臨川縣人萬曆丙辰進
士即以是冬知縣事端方正直才守兩全崇尚古處高
風則申詳周光德朱廷錫為鄉賢培養駿發後學則特
拔謝天申黃耳鼎為案首建有雲路書院於南河岸側

以供諸生讀書後擢兵郎主事榮行之日邑人為□□
祝之迄今尚誦說不衰云

李公諱汝璨號衡嶠江西南昌縣人崇禎戊辰進士以己
已知縣事清操勁節持重老成民情吏弊未有能欺其
絲毫者庚午癸酉兩次分考楚闈所得皆名下士如王
一翥畢期玕皆一時人傑值大造黃冊編審里甲稱平
楚時無事公懷光憂行保甲嚴更漏浹民帖然雅意作
人創興賢庄置學田以膳貧士又蘄邑科名原稱淵□
比數科內登者寥寥前李公大受於雨標山創浮圖為

蘄水縣志

卷十二 循良

七

文峯未終擢吏部去公下車即竣厥事手篆碑文以記
之時庚午秋邑諸生鄉薦者即六人如胡三宗饒應元
畢期玕丘之宗高弘基楊繼錦稱最盛焉蒞蘄六載行
取刑科給事中去之日蘄為立碑立祠以志去思

龔鼎孳字孝升號芝鹿廬州合肥人崇禎甲戌歲以弱冠
成進士乙亥春令蘄狀貌魁吾人不覺其年少也爾時
流寇蹂躪蘄黃先生甫下車籌畫守禦調停兵食高城
浚池無不悉當賊每歲往來無虛日不則兵來先生家
於城上無少休息於是有堞喟之詩賊勢小緩即進□

生商竒析義文風丕變得士如林彬彬稱盛於是有風
始之集問竒之篇歷五六年間大寇大兵大餉大修築
迄無寧晷先生且八面應之或端牘抽札或攄鞍飛書
蔚詞麗句積案盈几於是有山聲堂之集鶴廬之帙蘭
臯之吟臺司交推遂為全楚治行第一以辛巳冬欽取
考授兵科給事清朝定鼎授以原職歷太常大理遷刑
部侍郎至都察院副都御史

吳文奕福建人以崇禎辛巳為丞公彬彬儒雅有良吏風
到官即值流寇亂公分信地城守南樓卧寢防護者蓋

蘄水縣志

卷十二 循良

八

數年無河癸未三月初五寇自廣濟兼程潛渡從西門
無人處攀援而上殺城上諸守城者□者潛竄賊至南
樓公猶守信地不肯去賊乃殺公於南門城下邑之人
咸哀之

□宗益字仲衡常德府龍陽縣人中萬曆癸卯鄉試十七
名癸丑年署蘄水學政先生學有本源表裏洞徹教人
隨材不為 法議論風生聽之如入山採玉入海探珠
人人滿志去博求經藝微言以明道術為己任周給貧
士捐俸三十餘金入書院并捐俸七十餘金□明□□

及敬一亭文□等處丁巳以外艱歸邑諸生依依不□
舍為立青先生碑更為贊以思之

黃問字伯素景陵人以詩經中萬曆壬子科第三天啟士
成來任蘄庠教諭甲子奉檄分校滇場中道以病旋旋
卒公好古耽□初以雄竒得雋殆游道漸廣寓雄竒於
雅澹而知日以希居官一秉先型力驅澆俗感慨係之
洵可於古人中求者

清

李蓀號德馨陝西狄道縣人中順治乙酉鄉試以甲午知

蘄水縣志

卷十二 循良

九

縣事公賦性方嚴任事勤敏一切簿書裁決皆出一手
一日每四鼓即秉燭起視事日未中兩堂已畢隨取本
日應行事務一一批閱無少停閣至漏下一鼓方就寢
不移時而又起聽政矣無寒暑初終二轍為治敦大□
崇節義懲叛逆禁捏誣以故邑之巨奸輩凜凜畏懼粗
知世界尚有尊卑貴賤綱常名分又極力興創諸如起
譙樓復堂製建分司皆其經營至於善催徵而民不擾
講聖諭而婦子勸躬步禱而時雨沾孜孜不倦士服民
安惟以性少□致忤當事甫十四月而去官民甚思□

張□黃岡人順治二年夏五月英王率師擣秦關出南□
襄鄧經江漢驅李自成而殲之所過處便宜置官君自
往見王特授蘄丞來時人不知其為官也公到不避勞
苦收集殘氓料理糧艸接濟是時山寨乘間竊發民甚
病官兵進剿所過騷動民又病君皆委曲周旋浞人始
定又闖逆餘黨襲羅田斷民手足會叵黔梁帥統卒數
千適經蘄水君敦請協剿賊始遠遁丙戌五月征南大
將軍貝勒師駐武昌以朝命班師經浞上浞人相頤震
慄盖初與清師百萬相見也時君以謝事持猪酒入營

蘄水縣志

卷十二

循良

十

犒之告以子遺之逃死而新集俾勿擾帥如所諭蘄以
無恐至於修殘城創衙署設浮渡公與有力艸昧奠安
首事一人功不可沒故並紀之